

BE.13. NDA TAMA ENDEHONONKU (Eb=1)

=====

B.E No. 13 NDA TAMA ENDEHONONKU BL. 213

1. Nda tama endehononku Goar ni Debatangki ? Nda tama halashononku Denggan ni basaNa i ?
Ai sun holong ni rohaNa Mida au pardosa on Diramoti do tongtong Naposona Saluhutna
Holong ni rohana i Nda tung hasuhatan i.

2. Songon pidong rajawali Manjagai anakna i Songon i do dipabali Debatangku jea i
Sian au niramotanna Olat ni na tubu au Sai diiringiring au Masuk tu harajaonNa
Holong ni rohaNa i Nda tung hasuhatan i

3. Nang AnakNa sasadasa Diseahon Debata Pangoluhon au pardosa Uju i di Golgata
Mago au dibaen dosangku Jadi ro AnakNa i Manggarari utangki Lao mambaen haluaonku
Holong ni rohaNa i Nda tung hasuhatan i.

4. Dohot Tondi Parbadia Do disuru Amangki Asa dohot au badia Jala tau tu surgo i
Naeng gohanna do rohangku asa sai tongtong torang Sai gok dame nang sonang
Mandalani dalananku Holong ni rohana i Nda tung hasuhatan i

5. Dohot haporseaonku Dilopokkon Tuhanki Tu bagasan ni rohangku
Patiurhon dalanki asa sahat musengani Au tu hangoluan i
Na rade di surgo i Di sude namanjalahi Holong ni rohaNa i Nda tung hasuhatan i.

6. Songon i do panarison Ni Debatangki di au Tuhanki do sumarison
Nasa na ringkot di au Tondi dohot pamatangku Dipangolu Tuhanki
Na marasi roha i Diramoti do hosangku Holong ni rohaNa i Nda tung hasuhatan i

7. Molo masa pangunjunan Dipasonggop setan i Debata do pangondingan
Di au on anakNa i Ai didokkon Debatangku SurusuanNa i Manamparhon jea i
Asa dao hamagoanku Holong ni rohaNa i Nda tung hasuhatan i

8. Ganup ari do disesa Debatangku dosangki Ndang hea gotos rohaNa
Maniopi rimas i Nang pe ingkon pinsangonNa Au dibahen dosangki
Ndang maposihu disi Uhum na nidabuhonNa Holong ni rohaNa i Nda tung hasuhatan i

9. Ala na so hasuhatan Holong ni rohaM Amang Tatap ma au on pasidung
Nasa sangkap i rohaM Di naposoMon Tuhanku Pargogoi ma au tongtong
Mangoloi di tano on Nasa na pinatikkonMu Paima Ho pujionki Salelenglelengna i.